



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

**Luxemburgi, 1739**

XXX. Introductio vitæ communis in Conventibus Lycien., & Solcan. Ord.  
Eremitarum S. Augustini.

---

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

1672.  
ut intra tri-  
dium a die  
notitiæ eam-  
dem Sedem  
a Cornu E-  
pist. amo-  
veat.

Præfentes li-  
teræ nulla de  
causa, præ-  
textu, vel  
colore valent  
impugnari.

chino super imposto a cornu Epistolæ sicut præmittitur collocatam, inde intra triduum a die notificationis ipsarum præsentium literarum, seu earum affixionis ad valvas ejusdem Ecclesiæ numerandum omnino amoveat, & amoveri curet.

§. 5. Decernentes pariter easdem præfentes literas, & in eis contenta quæcumque etiam ex eo, quod Joannes Baptista Archiepiscopus, ac Dux, & Gubernatores, alique præfati, & cæteri quicumque in præmissis, seu eorum aliquo jus, vel interesse habentes, seu habere quomodolibet prætendentes cujuscumque status, gradus, ordinis, præminentia, & dignitatis existant, illis non consenserint, nec ad ea vocati, citati, & auditi, neque Causæ propter quas præfentes literæ emanant adductæ, verificatæ, & justificatæ fuerint, aut ex alia quacumque quantumvis juridica, & privilegiata causa, colore, prætextu, & capite, etiam in corpore juris clauso, etiam enormis, enormissimæ, & totalis læsionis, nullo unquam tempore de subreptionis, vel obreptionis, aut nullitatis vitio, seu intentionis nostræ, aut interesse habentium consensu, aliove quolibet etiam quantumvis magno, & substantiali, ac inexcogitato, & inexcogitabili, individuumque expressionem requirente defectu notari, impugnari, invalidari, infringi, retractari, in controversiam vocari, aut ad terminos Juris reduci, seu adversus illas aperiitionis oris, restitutionis in integrum, aliud quodcumque juris, facti, vel gratiæ remedium intentari, vel impetrari, seu impetrato, aut etiam motu, scientia, & potestatis plenitudine paribus concessio, vel emanato quempiam in Judicio, vel extra illud uti, seu se juvare posse; sed ipsas præfentes literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac ab omnibus, & singulis ad quos spectat, & pro tempore quodcumque spectabit inviolabiliter, & inconcussè observari. Sicque, & non aliter in præmissis per quoscumque Judices ordinarios, & delegatos, etiam Causarum Sacri Palatii Apostolici Auditorum, ac S. R. E. Cardinales etiam de Latere Legatos, & Apostolicæ Sedis Nuncios, & alios quoslibet quacumque præminentia, & potestate fungentes, & futuros, sublata eis, & eorum cuiuslibet quavis aliter judicandi, & interpretandi facultate, & auctoritate, judicari, & definiri debere; ac irritum, & inane si secus super his a quocumque quavis auctoritate scienter, vel ignoranter contigerit attentari.

Derogatio  
contrario-  
rum.

§. 6. Non obstantibus præmissis, ac quatenus opus sit nostra, & Cancellariæ Apostolicæ regula de Jure quæsito non tollendo, aliisque Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus, & ordinationibus, necnon prædictæ Ecclesiæ, & aliis quibuscumque etiam juramento, confirmatione Apostolica, vel quavis firmitate alia roboratis statutis, usibus, & consuetudinibus etiam immemorabilibus, Privilegiis quoque Indultis, & literis Apostolicis, præfatis, & aliis quibusvis Personis, etiam quacumque Ecclesiastica, vel mundana dignitate fulgentibus, & quomodolibet qualificatis, seu quibuscumque verborum tenoribus & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, ac irritantibus, & aliis decretis etiam motu, scientia, & potestatis plenitudine paribus, ac consistorialiter, & alias quomodolibet in contrarium præmissorum concessis, confirmatis, & quantumvis vicibus iteratis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad

hoc servanda foret, illorum omnium, & singulorum tenores, formas, causas, & occasiones, præfentibus pro plene, & sufficienter expressis, insertis, servatis, & specificatis respectu habentes, illis alias in suo robore permanens, ad præmissorum effectum, hac vice dumtaxat specialiter, & expresse derogamus, ac derogatum esse volumus, cæterisque contrariis quibuscumque.

§. 7. Volumus autem, ut ipsarum præsentium literarum transumptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica dignitate constituta munitis, eadem prorsus fides ubique locorum in Judicio, & extra illud adhibeatur, quæ eisdem præfentibus haberetur, si forent exhibitæ, vel ostensæ.

Datum Romæ apud S. Mariam Majorem sub Anno Piscatoris die 5. Septembris 1672. Pontificatus nostri anno Tertio.

I. G. Slusius.

Registrata in Secretar. Brevium in lib. 3. diversorum fol. 129.

Transumptio-  
rum fides.

Edit. 5. Sept.  
1672. An. 3.

Confirmatio Decretorum à Generali Ordinis Eremitarum S. Augustini de suorum Assistentium consilio editorum, circa introductionem, observantiam, & perpetuam conservationem vitæ communis in Lycien., & Terræ Soleani, aliisque disti Ordinis Conventibus, in quibus vita hujusmodi introducetur.

### C L E M E N S P A P A X .

Ad perpetuam rei memoriam.

Solicitude Pastoralis Officii, quo Ecclesiæ Catholica Regimini per ineffabilem divinæ bonitatis abundantiam, nullo licet meritorum nostrorum suffragio, præsidemus, Nos admonet, ut ad ea, quæ salutem Christi fidelium Altissimi obsequiis sub suavi Religionis Jugo mancipatorum directionem concernunt, favorabiliter intendentes, quæ à superioribus regularibus restituendæ, conservandæque religionis studio, provide facta esse noscuntur, Apostolici muniminis Nostri præsidio constabiliamus.

§. 1. Exponi siquidem Nobis nuper fecit dilectus filius Procurator Generalis Ordinis fratrum Eremitarum S. Augustini, quod cum quondam Ignatius Valente Conventum Civitatis Lycien. disti Ordinis heredem instituit, ea lege, ut observantia, & exacta vita communis, quam dilectus pariter filius Augustinus de Soleano Frater expresse professus ejusdem Ordinis, in Sacra Theologia Magister, dum Provincialatus Provinciæ Apostolicæ disti Ordinis munereungebatur, in eodem Lycien., & S. Mariæ del Reposo nuncupatæ Terræ de Soleano Hydruntin. Diocesis Conventibus introduxerat, in ipso Conventu Lycien. restitueretur, ac disti Augustinum cum onere procurandi restitutionem vitæ communis hujusmodi in eodem Conventu Lycien.; testamentariæ suæ dispositionis Executorem deputaverit, dilectus etiam filius Hieronymus Valvasorius Prior Generalis Ordinis præfati de Assistentium suorum consilio, circa restitutionem, observantiam perpetuamque conservationem vitæ communis tam in præfatis Lycien., & Terræ Soleani, quam in quibusvis aliis ejusdem Ordinis Conventibus vitam communem hujusmodi ad præscriptum Decretorum à Congregatione S. R. E. Cardinalium super statu Regularium deputata jussu fel. rec. Alex. Papæ VII. prædecessoris nostri die 13. Septembris 1664. emanatorum, benedicente Domino, amplexuris, non nulla Decreta edidit, tenoris, qui sequitur, videlicet.

§. 2. In Conventu S. Angeli de Lycio restituatur, & quatenus opus est de novo institua-

XXX.

Edita A. D.  
1672.

Exordium.

Series facti  
exposita à  
Procuratore  
Generali Or-  
din. Frat.  
Eremit. S.  
Augustini.

Prior Gene-  
ralis d. Ord.  
cum consilio  
suorum Assi-  
stentium pro  
restitutione  
& conserva-  
tione vitæ  
communis in  
quibusdam  
Conventibus  
Lycien. &  
Terræ Sole-  
ni, & aliis e-  
didit non-  
nulla Decreta.

Tenor dd.  
Decreto-  
rum.

tur,

tur, & in Conventu S. Mariæ Reposi de Soleano continetur observantia, & exacta vita communis ad præscriptum Regulæ &c., ut inferius.

§. 3. Exacta vita communis in dd., & hujusmodi Conventibus jam, & in futurum observantibus fiat ab omnibus, & singulis Patribus, & Fratribus, Superioribus, & Subditis de familia degentibus, juxta Decreta Sac. Congregationis super Stat. Regular. de mandato fel. rec. Alexandri Papæ VII. sub die 13. Septemb. 1655. ad præscriptum Regulæ, & Constitutionum Ordinis, non obstante quavis laxiori consuetudine, servataque forma Sac. Canonum Concil. Tridentin., & Const. Apostolicæ, & præcipue Decretorum sanctorum Clement. PP. VIII., necnon statutorum prædicti nostri Ordinis (quæ pro certiori, & firmitiori observantia ne allegari unquam possit ignorantia,) una cum his Decretis, & aliis hæcenus in Ordine factis de consilio etiam admodum RR. PP., qui nobis assistunt excerptis, & declaravimus, & hac ipsa die 5. Septembris 1672. nostra manu, & sigillo munita observanda illis, & omnibus Conventibus, & Fratribus, qui eandem vitam jam amplexi, & Deo dante, in futurum amplecturi sunt, dedimus ad litteram absque ulla interpretatione, aut glossa, & indispensabiliter, nisi cum infirmis, & impotentibus, sub pœnis in eisdem Decretis, Canonibus, & Constitutionibus Apostolicis contentis, necnon dd. Constitutionum Ordinis par. 3. cap. 6. & par. 6. cap. 9., & statutorum supradictorum.

§. 4. Postquam (restituta jam observantia) octo circiter Novitii Choristæ recepti fuerint, & suam professionem emisserint in Novitiatu Lycii, remaneant ibidem pro secundo Novitiatu, seu professorio clauso, quod eos nunc pro tunc ad studium pro ipsis tantum observantibus deputamus ad studendum, si fuerint habiles, & primus Novitiatus, qui de mandato Sac. Congregationis super Stat. Regular. erat Lycii, transferatur (de assensu ejusdem Sac. Congregationis) ad Conventum Soleani.

§. 5. Conventus Lycii sit sub immediata jurisdictione nostra, & Priorum Generalium pro tempore, Conventus vero Soleani sub Jurisdictione Procuratoris Generalis, prout sunt ceteri Conventus Provinciae, cum conditionibus tamen infradicendis.

§. 6. Pro hac prima vice consili plurimum de integritate, doctrina, prudentia, ut supra, vitæ Communis, exactiorisque observantiae zelo ejusdem Magistri Fratris Augustini de Soleano eum deputamus, & declaramus, prout tenore presentium, & nostri muneris auctoritate deputatum, & declaratum esse volumus, in Priorem prædicti Conventus nostri S. Angeli de Lycio ad triennium, & ultra ad aliud, & plura, si vocales dicti Conventus Lycii elapso primo triennio, eum alia, & alia vice, & pluries proponere, nominare, & præsentare voluerint, etiam solum, & non inter tres, aut duos, ut in forma inferius ponenda. Pro Conventu vero S. Mariæ Reposi de Soleano confirmamus in Priorem Fratrem Lucam de Melpiniano electum a Diffinitorio Provinciae ad biennium a die dictæ suæ electionis.

§. 7. Deinceps Priores eligantur ex ipsis solis Observantibus, & ab ipsis, itaut primum in Conventu Lycii sibi deligant duos, vel tres, & ipsos sic delectos deinde nominent, & præsentent P. Generali pro tempore, & demum Generalis ex duobus, vel tribus ita præsentatis eligat unum, qui erit Prior, & pariter in Conventu Soleani primum sibi deligant duos, vel tres, & deinde illos duos, vel tres repræsentent Diffinitorio Provinciae, quod demum ex duobus, vel tribus eligat unum, qui erit Prior.

§. 8. Quod si Prioratus ex morte, privatione, renunciatione, aut aliqua ex alia causa quancumque vacaverit, tunc sit Vicarius tam Lycii,

quam Soleani secundus, qui cum Priore electo fuit præsentatus, duraturus usque ad tempus novæ electionis. Quod si illi etiam, aut alter ex illis mortui fuerint, aut aliqua ex causa nolint, & nequeant esse Vicarii, tunc Lycii deligant tres, vel duos ad Prioratum, ex quibus Generalis, ut supra, eligat unum, qui erit Prior ad biennium, & tot menses, quot defuerint, usque ad consuetum tempus instituendi, & ipsum adventum de novo instituti Prioris. Et Soleani deligant duos, vel tres, ex quibus Provincialis, ut supra, eligat unum, qui erit Vicarius usque ad proximum Capitulum, seu Congregationem, in quibus Diffinitorio præstabit duos, vel tres, dictum Vicarium, & alium, vel alios ab ipsis, & ex ipsis Observantibus deligendis, ex quibus duobus, vel tribus Diffinitorium eliget unum, ut supra.

§. 9. Ita pariter ceteri quicumque eorum Officiales eligantur ex ipsis, & ab ipsis, proponente tamen ad electionem, & post electionem eos confirmante eorum Priore jam, ut supra, electo.

§. 10. In Lectorem Theologiæ, seu Regentem, & in Lectorem Philosophiæ deputabitur a P. Generali aliquis ex ipsis idoneus illis doctrinæ sufficientia exemplaris, & maxime exactæ communis vitæ studio, juxta prædicta, & præcipue Clementis PP. VIII. Decreta probandus, & approbandus. Quod si apud se non habuerint idoneum, aut pro Lectore, aut pro Regente, supplicabunt pro altero, aut pro utroque eidem Patri Generali, qui providebit de idoneo a se probato, & qui sponte velit, & debeat observantiam, & exactam vitam communem eandem cum omnibus, & per omnia juxta dicta, & Clement. Papæ VIII. Decreta sectari.

§. 11. In actu visitationis in Conventu Lycii per nos, aut per a nobis deputandos, & in Conventu Soleani per Patrem Provincialem, inquiretur super instituta observantia, & transgressores ibidem corrigantur regulariter, non autem inde removeantur inconsultis Priore, & PP. Consilii, & relinquuntur, aut mitantur Decreta, quod si aliqua judicaverint observantiae conducere, fideliter referant Priori Generali, qui si ei videbitur, decerant.

§. 12. Nulli volenti venire zelo observantiae licentia denegetur, dummodo ejus præcedat acceptatio a Priore cum PP. Consilii. Non eligantur ipsi Observantes in Priores locales, nec in Officiales Conventuum, ubi dicta observantia non viget. Non amoveantur, aut transeant de familia in dd. Conventibus, ubi dicta observantia non viget, sed tantum donec, Deo juvante, alii Conventus observantes juxta pariter Decreta Sac. Congregationis super Stat. Regular., & hæc nostra Decreta, & Statuta, quæ, ut supra, pro dictis, & pro omnibus Conventibus, & Fratribus, qui eandem vitam jam amplexi, & in futurum amplecturi sunt, fecimus, fuerint, mutari possint ab uno in alium ex Conventibus observantibus, tam si eam vitam post Decretum Sac. Congregationis super Statu Regular. professi fuerint, quam si professi ante dictum Decretum, aut ex dd. Conventibus Lycii, & Soleani pro hac prima vice remanserint, aut ex aliis Conventibus, quando cumque advenierint, & elapso anno (quo tempore iis erit liberum abire (a PP. Vocalibus acceptati fuerint, nisi forte in penam, utpote sitam sanctæ ordinationi de observantia, & exacta vita communi in dd. Conventibus, & aliis observantibus contradicere, aut modo aliquo se opponere ausi sint, vel fuerint, qua propter juxta dictum Decretum Sac. Congregationis super Stat. Regular. amovendi sint, aut si emendatoriam ferre recusaverint, & juxta Regulam, & Constitutiones a Priore de consensu PP. Consilii a Societate, ne contagione pestifera plurimos perdant, projiciendi.

§. 13. Pro quibus omnibus inviolabiliter observandis præcipimus omnibus, & singulis nostris inferioribus, ne quovis prætextu, occasione, aut

quæsto colore, dicto, facto, directe, vel indirecte, per se, vel per alium ullis unquam futuris temporibus dicta Decreta violare, infringere, aut eis quoquo modo contraire, nec supradictos fratres a dd. observatione turbare, aut molestare, & ne a dd., & aliis in futurum simili modo Observantibus Conventibus d. observantiam, & exactam vitam communem auferre, aut auferendam audeant quomodolibet attentare, sub pœnis numero tertio memoratis, necnon privationis Officiorum, graduum, & vocis activæ, & passivæ in perpetuum, & excommunicationis latæ sententiæ, quam trina canonica monitione præmissa in his scriptis, licet inviti, ferimus, ipso facto absque alia declaratione, sed sola protestatione, & attestatione in scriptis, juramento, & subscriptione majoris partis Conventus firmata, cum expressione causæ, propter quam, & expressione pariter hujus nostri Decreti decimi, virtute cujus declarantur incurssi, incurrenda.

§. 14. Hereditas Ignatii Valente de Lycio vigore ejus testamenti sub die 10. Octobris 1671., in quo reliquit prædictum nostrum Conventum S. Angeli de Lycio suum heredem universalem, cum adjecta conditione, quod in eo restituatur observantia, & exacta vita communis, juxta Decreta Sac. Congregationis super Stat. Regul. de mandato Alexand. PP. VII., acceptatur ad ferriem, & tenorem ejusdem testamenti a nobis visi, discussi, & considerati, prout tenore præsentium, & nostri muneris auctoritate illam acceptamus, & acceptandam esse volumus, & mandamus,

§. 15. Et ad perpetuam validitatem, firmitatem, subsistentiam, durationem, & ad cautelam, ad tollendos defectus, supplicamus S. Sedi Apostolicæ, ejusque Sacris Congregationibus, Primo, quod non obstantibus Constitutionibus nostri Ordinis 3. part. Cap. 4., quod suppositio Conventuum sub immediata cura Patris Generalis fiat per Capitulum Generale; supradictus Conventus Sancti Angeli de Lycio ponatur, & sit in futurum, & in perpetuum sub immediata cura, & Jurisdictione Procuratoris pro tempore, quemadmodum alii Conventus Generales, cum d. tamen observantia, & exacta vita communi, & modo, ac forma, ut supra. Secundo quod non obstante Bulla sac. mem. Beati Pii V. pro Reformatione Ordinis Eremitarum S. Augustini, Quoniam in reparanda 1570. de duratione Officiorum ad biennium, & Decreto P. Generalis Fivisani, confirmato a sac. mem. Clemente PP. VIII. Universalis 1596. de non protrahendis Officiis ultra sexennium prædictus Magister Frater Augustinus de Soleano possit esse & sit Prior, ut supra; & aliis non obstantibus quibuscumque, & ad tollendos, si qui sunt, alios quoscumque defectus, & ut prædicta omnia, & singulari approbare, confirmare, & Apostolica auctoritate roborare dignetur.

§. 16. Cum autem sicut eadem expositio subjungebat, Procurator Generalis, & Augustinus præfati Decreta hujusmodi, quo firmius subsistant, & serventur exactius, Apostolicæ confirmationis nostræ patrocinio communiti summopere desiderent. Nos specialem ipsis Procuratori Generali, & Augustino gratiam facere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, supplicationibus eorum nomine Nobis super hoc humiliter porrectis inclinatis, Decreta præfata a memorato Hieronymo Procuratore Generali edita, ut præfertur, auctoritate Apostolica, tenore præsentium confirmamus, & approbamus, illisque inviolabilis Apostolicæ firmitatis robur adjicimus, ac omnes, & singulos juris, & facti de-

fectus, si qui desuper quomodolibet intervenerint supplementum.

§. 17. Cæterum tam præfatum Hieronymum modernum, & pro tempore existentem Procuratorem Generalem, quam dilectos filios modernos, & futuros Vicarios Generales Congregationum, & Procuratores Provinciales Provinciarum, & Superiores locales Conventuum Ordinis præfati per præfentes serio monemus, ut suæ obligationis memores exactam vitam communem in Conventibus potissimum designatis pro Novitiis, & Professoris ubi introducta non est, omnino introduci, quavis contraria consuetudine, seu potius corruptela non obstante, & ubi introducta est, conservari maxime procurent, in districto Dei judicio neglecti muneris rationem reddituri.

§. 18. Decernentes easdem præfentes literas & Decreta præfata semper firma, valida, & efficacia existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit, in omnibus, & per omnia plenissime suffragari, & ab illis respective inviolabiliter observari: Sicque in præmissis per quoscumque Judices Ordinarios, & Delegatos, etiam causarum Palatii Apostolici Auditores, judicari, & defini debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 19. Quocirca dilecto filio Nostro, & Apostolicæ Sedis in Regno Neapolis Nuncio, ac Venerabilibus Fratribus Archiepiscopo Hydruntino, & Lycien., ac Bisignanensi, Episcopis per præfentes committimus, & mandamus, quatenus ipsi, vel tres, aut duo, vel unus eorum per se, vel alium, seu alios, præfentes literas, & in eis contenta quacumque, ubi, & quando opus fuerit, & quoties pro parte interesse in præmissis habentium, seu alicujus eorum desuper fuerint requisiti, solemniter publicantes, illisque in præmissis efficacis defensionis præsidio assistentes, faciant auctoritate Nostra præfentes literas, & in eis contenta hujusmodi, ab illis, ad quos spectat, & spectabit in futurum, inviolabiliter, & inconcussè observari, omnesque, & singulos, quos ipse præfentes literæ concernunt, præmissorum omnium, & singulorum commodo, & effectu pacifice frui, & gaudere: non permittentes illos desuper a quoquam quavis auctoritate quomodolibet indebite molestari, perturbari, vel inquietari. Contradictores quolibet, & rebelles per censuras, & pœnas Ecclesiasticas, aliaque opportuna juris, & facti remedia, appellatione postposita compescendo, legitimisque super his habendis servatis processibus, sententiis, censuras, & pœnas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis.

§. 20. Non obstantibus rec. mem. Bonifacii Papæ VIII. prædecessoris pariter nostri de una, & Concilii Generalis de duabus dietis, dummodo ultra tres dietas aliquis auctoritate præsentium in judicium non trahatur, aliisque Constitutionibus, & ordinationibus Apostolicis, ac quatenus opus sit Ordinis, ejusque Congregationum, Provinciarum, & Conventuum hujusmodi etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque indultis, & literis Apostolicis in contrarium præmissorum quomodolibet concessis, confirmatis, & innovatis, Quibus omnibus, & singulis illorum tenores præfentibus pro plene, & sufficienter expressis, illis alias in suo robore permanentibus, ac præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 21. Volumus autem, ut ipsarum præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate

Monitio ad Superiores d. Ordinis ut vitam communem in Conventibus designatis pro Novitiis, & Professoris quavis contraria consuetudine non obstante.

Decretum irritans.

Executores designati.

Contrariorum derogatio.

Transumptorum fides.

Preces Procuratoris Generalis, & Fr. Augustini de Soleano d. Ord.

Absolutio a Censuris.

Confirmatio Apostol. dd. Decretorum.

Edir. 8. Oct.  
1672. An. 3.

constitutæ munitis, eadem prorsus fides in iudicio, quam extra illud habeatur, ipsis quæ præsentibus haberetur si forent exhibitæ, vel ostensa.  
Datum Romæ apud S. Mariam Majorem sub Annulo Piscatoris die 8. Octob. 1672. Pontificatus nostri Anno Tertio.

I. G. Slufius.

Registrata in Secretaria Brevium in lib. Mensis Octob. parte utraque fol. 161.

XXXI.

Statutum perpetuum Collegii Germanici, & Ungarici, quod Convictores quicumque in d. Collegium recepti, & quandocumque recipiendi, juramentum de discedendo ab Urbe, ac in Germaniam revertendo statim atque studiorum tempus fuerit absolutum, præstare teneantur.

Edita An.D.  
1672.

CLEMENS PAPA X.

Ad perpetuam rei memoriam.

Alumni Collegii Germanici, & Hungarici in ingressu vel paulo post jurant statim in Germaniam reverfuros.

CUM (sicut accepimus) dilecti filii Alumni Collegii Germanici, & Hungarici de Urbe in ipsius Collegii ingressum, sive paulo post, inter alia Juramentum præstare soleant, quod absoluto ibidem studiorum tempore, quando inde dimittentur, ab Urbe statim discessuri, & in Germaniam reverfuri sint. In d. vero Collegium præter Alumnos, etiam recipiuntur nonnulli Convictores, qui Juramentum hujusmodi non præstant, sed peracto studiorum curriculo in Urbe præfata quandoque moram trahunt, & excusso disciplina, quam in eodem Collegio præfato servaverant, jugo, eam morum innocentiam, quam ex Patria attulerant, & in Collegio præfato coluerant, non satis studiose teneant, in animarum suarum perniciem, ipsiusque Collegii existimationis detrimentum.

Convictores hoc Juramentum non præstant.

Motu proprio mandat teneri ad præstandum d. Juramentum de reverfendo in Germaniam statim ac studia absolverint, aut ab ipso Collegio dimittentur.

§. 1. Nos ex commissæ Nobis cælitus Apostolicæ sollicitudinis munere opportunum huic malo remedium quantum cum Domino possumus adhibere cupientes, Motu proprio, ac ex certa scientia, & matura deliberatione Nostri, deque Apostolicæ potestatis plenitudine, ut Convictores quicumque in Collegium præfatum recepti, & quandocumque recipiendi juramentum pariter de discedendo ab Urbe supradicta, ac in Germaniam revertendo, statim atque studiorum cursum ibidem absolverint, seu alias ex ipso Collegio dimittentur, ad instar memoratorum Alumnorum præstare omnino teneantur, tenore præsentium perpetuo statuimus, & ordinamus.

Decretum irritans.

§. 2. Decernentes easdem præsentibus literas semper firmas, validas, & efficaces existere, & fore, suosque integros & plenarios effectus sortiri, & obtinere, ac ab illis, ad quos spectat, & pro tempore & quandocumque spectabit inviolabiliter observari. Sicque, & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac S. R. E. Cardinales Collegii præfati Protectores, aliosve quoslibet quacumque præminentia, & potestate fungentes, & functuros sublata eis, & eorum cuilibet aliter judicandi, & interpretandi facultate, & auctoritate, judicari, & definiri debere; ac irritum, & inane, si secus super his à quocumque quavis auctoritate scienter, vel ignoranter contigerit attentari.

Contrarium derogatio.

§. 3. Non obstantibus Constitutionibus, & Ordinationibus Apostolicis, & quatenus opus sit dicti Collegii, etiam juramento, confirmatione Apostolica, vel quavis firmitate alia roboratis statutis, & consuetudinibus; Privilegiis quoque Indultis, & literis Apostolicis in contrarium præmissorum quomodolibet concessis, confirmatis, & innovatis, Quibus omnibus, & singulis, illorum tenores præ-

sentibus pro plene, & sufficienter expressis, & insertis habentes, illis alias in suo robore permanentibus ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die 16. Octob. 1672. Pontificatus nostri Anno Tertio.

I. S. Slufius.

Registrata in Secretaria in libro Brevium Mensis Octob. parte utraque fol. 133.

Edir. 16. Oct.  
1672. An. 3.

Confirmatio, & innovatio Brevis Urbani VIII. contra violatores libertatis, & Immunitatis Ecclesiasticæ, ac Jurisdictionis Apostolicæ in Portugallia &c.

XXXII.

CLEMENS PAPA X.

Ad perpetuam rei memoriam.

Exordium.

EX injuncto nobis divinitus Sacrosancti Apostolatus munere ea, quæ a Romanis Pontificibus prædecessoribus nostris pro tuitione, & defensione Immunitatis, & libertatis Ecclesiasticæ, ac Jurisdictionis Apostolicæ Sedis, ejusque Ministrorum contra temerarios illarum violatores, atque perturbatores provida censita esse dignoscuntur, ut firma semper, atque inviolabilia persistant, Apostolici muniminis nostri præsidio libenter corroboramus.

Urban. VIII. motu proprio irritat, & annullat, quæ a Judicibus Sacularibus etiam supremis Portugallie, & Algarbiorum acta, vel ordinata fuerint adversus Collectorem Generalem Spoliorum, & Juris, ejusque Ministros.

§. 1. Dudum siquidem fel. rec. Urbanus Papa VIII. prædecessor noster motu proprio, ac certa scientia, & mera deliberatione suis, deque Apostolicæ potestatis plenitudine nonnulla, quæ contra tunc existentem jurium, & expoliorum Cameræ Apostolicæ Debitorum in Portugallia, & Algarbiorum Regnis Collectorem Generalem, ejusque Auditorem, seu Delegatum, Officiales, Ministros, res, & bona, ex Regnorum præfatorum Judicibus Sacularibus, etiam supremis, quocumque nomine, titulo, & prærogativa, & gradu insignibus in certis tunc expressis causis, & earum occasione, quocumque prætextu, vel quæsto colore quomodolibet decreta, mandata, acta, facta, ordinata, & sive scriptis, sive verbis quomodolibet attentata fuerant, quæ omnia, & singula pro expressis haberi voluit, nulla invalida, irrita, & inania, ac nulliter, invalide, inaniter, & de facto contra Sacros Canones, Conciliorum Decreta, & Apostolicas Constitutiones, attentata, & præsumpta esse decrevit, & declaravit.

§. 2. Et ne imposterum similia præsententur omnibus, & singulis Judicibus Sacularibus etiam supremis dictorum Regnorum quocumque nomine nuncuparentur, cujuscumque gradus, conditionis, & prærogativæ existent, ne talia, aut similia adversus Immunitatem, & libertatem Ecclesiasticam etiam quocumque prætextu contra Ecclesias, Prælatos, Judices, & personas, res, & bona, ac eorum Jurisdictionem, & auctoritatem, ejusque liberum exercitium quomodolibet committere, aut attentare præsumerent, sub excommunicationis majoris, cujus absolutio Sedi Apostolicæ reservata esset, aliique Ecclesiasticis sententiis, censuris, & privationis quorumcumque Beneficiorum, Pensionum, officiorum, & dignitatum Ecclesiasticarum, ac Militarium, & ordinum quorumcumque, perpetuæque inhabilitatis tam quo ad ipsos delinquentes, seu contumaces, quam quo ad eorum descendentes usque ad eorum quartam generationem, ad illa imposterum quomodolibet obtinenda, necnon amissionis quorumcumque Jurium patronatus, privilegiorum, gratiarum, concessionum, & investiturarum tam emphyteuticarum, quam feudalium eisdem delinquentibus,

seu